



Kalaallit Nunaanni ungasianiit ussersuutit atorlugit oqalutseqarnissaq digitali aqqutigalugu periarfissaavoq

Ilitsersuut

Kalaallit Nunaanni ussersuutit atorlugit oqaluttaaneq

Ussersorneq atorlugu attaveqaaqatigiinneq ingerlattarpiuk, imaluunniit pisortat suliffeqarfiutaanni namminersortutulluunniit sullitavit ussersornermik attaveqartup attaviginissaanut oqalutseqarnissat pisariaqartillugu?

Tamanna digitali aqqutigalugu ungasianiit ussersuutit atorlugit oqalutseqarnissaq periarfissaavoq.

Nammineq ussersorluni oqalutsissarsiornissat isumagissavat, ussersuutit atorlugit oqaluttaasartut ilaatigut namminersorlutik ingerlasut atorneqartarmata aningaasartuutissat aamma nammineq qulakkiissavatit.

Uani ilitsersuummi atuarsinnaavatit oqalutsissarsiornermi iluusissat, inatsit tunngaviusoq aamma oqaluttaasartut allattorsimaffiat.



OQALUTSISSARSIORNERMI ILIUSSISAT

Ussersuutit atorlugit
oqaluttaasartut
allattorsimaffiat



Nammineq usersorluni
oqalutsissarsiornissat
aningaasartuutaasussallu
qulakkiissavatit

Ungasianiit ussersuutit
atorlugit
oqalutseqarnermi
attaveqaatit
atorneqartartut



Suut pillugit ussersuutit
atorlugit
oqalutseqartoqarsinnaava?

Ussersuutit atorlugit
oqaluttaasumik atuiniarluni
iliuusissat



Inatsit tunngaviusoq
oqalutseqarnissamut
pisinnaatitaaffiliisoq



Ussersuutit atorlugit oqalutsumik atuiniarluni
piffissamik inniminniinginnermi
aningaasartuutissat qulakkeereersimassapput



Namineq ussersorluni oqalutsissarsiornissat aningaasartuutaasussallu qulakkiissavatit

Sumiiffigisanni ussersorluni oqalutseqarsinnaaneq periarfissaanngippat, ussersorluni oqalutsit namminersortut atorpeqarnissaat periarfissaavoq. Piffissamillu inniminniitinnak namineq aningaasartuutissatit imaluunniit pisortanit ikiorsiissutinik aningaasaliiffigineqarsimanissat qulakkeereersimassavat. Tamanna pillugu ataani paasissutissat atuakkit.



Suut pillugit ussersuutit atorlugit oqalutseqartoqarsinnaava?

Innuttaasoq – Pisortat suliffeqarfiutaani atorfilik/sulisoq – Suliffeqarfiit namminersortut

Innuttaasoq:

Innuttaasutut ussersorneq atorlugit oqalutsimik pisariaqartitsiguit, assersuutigalugu ukununga saaffiginninniarlutit:

- Pisortat suliffeqarfiutaannut
- Peqqinnissaqarfimmut
- Oqaloqatiginninnissamut, ataatsimiinnissanullu suugaluarnersunut
- Inuiaqatigiit akornanni aaqqissuussani pisoqarfusuni peqataallutit attaveqarniaruit
- Inuttut ataasiakkaatut pisariaqartitatit aallaavigalugit arlaannut saaffiginninniaruit

Pisortat suliffeqarfiutaani atorfilik/Sulisoq:

Pisortat suliffeqarfiutaani sullissininni ussersorneq atorlugit oqalutsimik, assersuutigalugu ukunani pisariaqartitsiguit:

- Innuttaasoq ussersorluni attaveqartoq, suliat pillugit saaffigalugu sullinniarukku
- Innuttaasoq ussersorluni attaveqartoq attaveqatigalugu imaluunniit ataatsimiinnermi naapinniarukku
- Nakorsiartikkukku imaluunniit kigutileriffimmi sullinniarukku
- Innuttaasoq paasissutissiinernut suugaluarnersuni peqataatillugu saaffiginiaukku

Suliffeqarfiit namminersortut:

Innuttaasutut ussersorlutit attaveqartuuguit, imaluunniit suliffeqarfimmi namminersortumi sulisutut ussersorluni oqalutseqarnissamik pisariaqartitsiguit, ussersuutit atorlugit oqalutseqarnissaq akornassinni namineq aaqqiissuteqarfignissavarsi:

- Innuttaasutut ussersorluni attaveqartutut, suliffeqarfimmut namminersortumut attaveqarumallutit oqalutseqarnissamut aningaasartuutissanik kommunimi sullissisoq (sagsbehandler) aqqutigalugu pisortanit ikiorsiissutinik qinnuteqarsinnaavutit
- Namminersorluni suliffeqarfimmi ussersuutit atorlugit oqalutseqarneq namineq aningaasartuutigissavarsi



Inatsit tunngaviusoq oqalutseqarnissamut pisinnaatitaaffiliisoq

Innuttaasutut allatuulli saaffiginninnermi oqalutseqarnissamut pisinnaatitaaffeqarputit, soorlu kalaallisuumiit danskisuumut aamma illuatungaanut nutserisoqartartoq.

Ussersorneq atorlugu oqalutseqarniarnermi, aningaasartuutit matussuserneqarnissaannut inatsit una tunngavigineqassaaq:

Inuit innarluutillit tapersersorneqarnissaannut Namminersorlutik Oqartussat nalunaarutaat nr. 29, 7. August 2020-meersumi, Kapitali 11 aningaasartuutaanerusunut tunngasoq.



Ussersuutit atorlugit oqalutsimik atuiniarluni piffissamik inniminniinginnermi aningaasartuutissat qulakkeereerneqarsimassapput

Ungasianiit ussersuutit atorlugit oqalutseqarniarluni oqalutsimik atuinissamut piffissamik inniminniinissat sioqqullugu, oqalutseqarnissamut aningaasartuutissat qulakkeereersimassavatit:

- Innuttaasutut ussersuutit atorlugit attaveqartutut, ussersuutit atorlugit oqaluttaasartunut piffissamik inniminniinginninni nammineq aningaasartuutissatit imaluunniit pisortanit ikiorsiissutinik aningaasaliffigineqarsimanissat qulakkeereersimassavat
- Pisortat suliffeqarfutaani sullissisutut imaluunniit suliffeqarfik namminersortumi sulisutut, ussersuutit atorlugit oqalutseqarnissamut aningaasartuutissatit qulakkeersimassavatit

Aningaasartuutissanik qulakkeerinnereersimanissamut pissutaavoq ungasianiit ussersuutit atorlugit oqaluttaasartut namminersorlutik suliffeqarfimmik ingerlatsisut atorpeqartarmata. Atani takuuk oqalutsimik atuiniarluni iliuusissat.



Ussersuutit atorlugit oqaluttaasumik atuiniarluni iliussissat

Innuttaasoq:

- Ulloq aamma nalunaaqutaq qassiniit qassinut ussersuutit atorlugit oqalutseqarnissavit piffissaa ilisimassavat
- Ungasianiit ussersorluni oqaluttaasartup atorniakkavit akigititai naapertorlugit, kommunimi sullissisorisannut ilimasaarutissannik aningaasartuutissanut missingersuusiussaait
- Kommunimi sullissisorisat (sagsbehandler) attavigalugu ungasianiit ussersuutit atorlugit oqalutseqarnissamut atugassanik aningaasartuutissanik pisortat ikiorsiissutaannik qinnuteqassaait
- Aningaasaliiffiqineqaruit ungasianiit ussersuutit atorlugit oqaluttaasartunut piffissamik inniminniissaait

Pisortat suliffeqarfiutaani atorfilik/sulisoq imaluunniit namminersortoq:

- Ulloq aamma nalunaaqutaq qassiniit qassinut ussersuutit atorlugit oqalutseqarnissavit piffissaa ilisimassavat
- Ussersuutit atorlugit oqaluttaasartup atorniakkavit akigititai naapertorlugit aningaasartuutissanut missingersuusiussaait, aningaasartuuteqarnissallu qulakkeerlugu
- Aningaasartuutissat qulakkeerpata ussersuutit atorlugit oqaluttaasartunut piffissamik inniminniissaait



Ungasianiit ussersuutit atorlugit oqalutseqarnermi attaveqaatit atorneqartartut

Ungasianiit ussersuutit atorlugit oqalutseqarnerq ingerlanneqartarpoq digitali aqqutigalugu, oqarasuaat angallattagaq, iPad, qarasaasiaq assigisaalu atorlugit.



Ussersuutit atorlugit oqaluttaasartut allattorsimaffiat

Ataani allassimapput ungasianiit ussersuutit atorlugit oqaluttaasartut allattorsimaffiat.

Nittartakkami quppeneri iserfigalugit, imaluunniit attaveqarfissat aqputigalugit uku nammineerlutit paasiniarsinnaavatit:

- Sullissinerup ingerlasarnera
- Akigititat
- Piffissamik inniminniinarluni periarfissat

Malugiuk: ussersuutit atorlugit oqaluttaasartut ilaasa piunasaqaatigimmassuk piffissamik inniminneereernerup kingorna, piffissamik taamaatitsiniarluni nalunaarnissamut ullunik aalajangersimasunik killeqartitsinerat, piffissarlu qaangerneqarpat akiliisitsineq attatiinneqassammat.

Ussersuutit atorlugit oqaluttaasartut allattorsimaffiat:

Maja Steffens Skærlund - Ussersuutit atorlugit oqaluttaanermik kiisalu oqaluutigaluni ussersorluni aamma kalaallisut qallunaatullu ussersuutitik pikkorissanermik neqerooruteqarpoq.

Sumiiffik: Nuuk
Nuummiikkaanni nutserisoq ornigulluni najuussinnaavoq, sinerissap sinnerani ungasianiit ussersorluni nutserineq ingerlanneqarsinnaavoq videu aqputigalugu

Attaveqarfissaq:
Maja Steffens Skærlund
E-mail: majasteffens@gmail.com
Mobil.: +299 291337

Småtegn – Danmarkimi namminersorlutik ussersuutit atorlugit oqaluttaasartut.

Nittartagaat qallunaatut allassimavoq, sullissinerlu qallunaatut ingerlanneqarluni.

Småtegn nittartagaa:
www.småtegn.dk

Tilioq- Tiliup siunnersuinissamut ussersorluni nutserisinnaasumik inniminniisnaavoq, pisariaqartinneqassappat e-mailimut uunga allalluni ilisimatitsisoqassaaq:
info@tilioq.gl

taava online aqputigalugu ussersorluni nutserisinnaasumik kiisalu ataatsimiiffissamut linkimik aaqqiissuteqassappat.
www.tilioq.gl



Kalaallit Nunaanni ussersuutit atorlugit oqaluttaaneq

Kalaallit Nunaanni ussersuutit atorlugit ungasianiit oqalutseqarnissamut Iliusissatut ilitsersuut Pissassarfimmit suliarineqarlunilu saqqummersinneqarpoq.



PISSASSARFIK

Pissassarfik

Nalunnguarfimmumut 4

Postbox 477

3911 Sisimiut

E-mail pissassarfik@nanog.gl

Oqarasuaat: +299 34 50 70

*Ilitsersuut suliarineqarlunilu saqqummersinneqarpoq,
grafik: Pissassarfik marts 2025/ saqqummersitaq siulleg.*